



後村居士詩卷第四

詩南嶽第三藁

贈徐相師

許負遺書果是非子憑何處說精微使君豈必如柳大丞相元
來要瓠肥袖濶日常籠短刺肩寒春未換單衣半頭布袋挑詩
卷也道游方賣術歸

送孫夢宮

大帝開江左無錐與遠孫自言埋戰地也勝活侯門短褐邊風
緊孤舟海浪翻知他三尺劍携去報誰恩
寄何立可提刑

故人握節守齊安聞說邊頭事愈難赤手募丁修險隘白頭擐
甲禦風寒半腰城南包圍畢一把兵皆點摘殘收得去年書在
架憶君燈下展來看

和曾史君喜雨

雄鳥忽交作雌霓太守為壇水畔祠多謝龍公來挹彼寄聲風
伯莫吹之麥殘黑穉差傷晚秧出青箴未過期想見鈴齋聞點
滴銀鈎滿紙又成詩

送饒司理端學

一郡夸饒掾才名果不虛忽聞歸去勇極恨往還踈囚戴公平
德奴擔性理書京華逢友舊為說閉門居

贈防江卒六首

陌上行人甲在身營中少婦淚痕新邊城柳色連天碧何必家
山始有春

壯士如駒出渥洼苑眠牖下等虫沙老儒細為兒郎說名將皆
因戰起家

昨者邛徐表奏通聖朝除吏遍山東新來調卒防秋浦又與山
東報不同

身屬嫖姚性命輕君看一蟻尚貪生無因喚取談兵者來向橋
邊聽哭聲

戰地春來血尚流殘烽缺堠滿堆頭明時頗牧居深禁若見閨

山也自愁

一炬曹瞞僅脫身謝郎棋畔走符秦年：拈起防江字地下諸
賢會笑人

哭黃直卿寺丞二首

久在文公几杖旁暮年所得最精詳貧甘香火辭符竹病整衣
冠坐篔簹床壯士軍中悲亮死先師地下惜回亡法雲破寺三間
屋却有門人遠赴喪
當年出塞共臨戎箭滿行營戍火紅督府凱旋先請去堅城築
就獨無功身謀彼此皆迂濶國事中間偶異同莫怪些詞含哽
噎在時曾賞小詩工

不寐

萬戶千門盡擁衾據梧展轉看橫參不知身已成衰證枉被人
疑是苦吟周漢前書肯記憶乾坤外事強思尋華山老子差堪
語安得呼來論此心

寄夔漕王中甫

舊歲書猶至漢陽新年夢已隔瞿塘西人久苦供軍費南士專
營出峽裝塵暗三邊途尚梗身游萬里髻應蒼蜀山聞說多仙
者試為余求辟穀方

送章通判

半刺已官尊常時讀魯論身居恭叔里心在晦翁門貧士來遮

路詩人送出村君能齊得喪何必戀華軒

早蓮

晴久方池可跣行萍枯惟有草縱橫朱葩未見叢
拆綠柄繞看寸、生悴若放臣臨楚澤厄於學士蹈秦坑輸他抗越花如
錦画舫名姝夜按笙

辭桂帥辟書作

一昨聞公莫府開夢魂頻繞嶺頭梅久拋鞞袴辭軍去忽有弓
旌扣戶來茅舍相過爭借問荷衣欲出却徘徊舊時檄筆今焚
棄辜負黃金百尺臺

聞何立可李茂欽訃二首

初聞邊報暗吞聲想見登譙與虜爭世俗今猶疑許遠君王元
未識真卿傷心百口同臨穴極目孤城絕救兵多少虎臣提將
印誰知戰死是書生

何老長身李白鬚傳聞死尚握州符戰場便合營雙廟太學今
方出二儒史館何人徵逸事羽林無日訪遺孤病夫疇昔曾全
幕西望關山涕自濡二君皆舊全官

夏早

滿望梅天雨誰知日轉驕畦蔬新住摘盆榭久停澆米貴糧困
盡泉乾汲路遙未遑憂世事災已到顏瓢

憶藕

昔過臨平召伯時小舟就買藕尤奇如拈玉塵涼雙手似瀉金
莖噉上池好事染紅無意緒癡人蒸熟減風姿炎州地狹陂塘
少渴死相如欠藥鑿

夜飲方湖

貪聽月下小叢歌擲去金蕉吸碧荷四面涼如浮震澤五更渴
欲挽斜河古稱賢達誰存者今不懽娛柰老何長笑峴山空感
慨羊公湛輦兩相磨

哀江帥張常二首

閔破壘猶堅傷心援不前生居諸將下死在衆人先憤極拳雙
握創多體少全豈無人策應擁燾坐江邊

昔我居戎幕為侯論戰勲齋旄俄烜赫書札尚殷勤國難忠方
見天高事未聞九江殘部曲暗哭故將軍

瀑上值雨

絕頂嵐烟合危亭略見簷不知山雨過但覺瀑流添悲壯張瑤
瑟迷濛展畫縑野人獲草屨來往任泥濘

懶

病入中年百事闌頽然一榻倦衣冠客方接話俄辭起書未終
編已輟看架壞儘教花卧蘚砌荒六任草侵蘭力求香火非無
意踈散明知涉事難

送沈憫政亭門人

建學多通顯何為尚布衣不聞行聘久始悟設科非落日君尋
店深山我掩扉幾時殘燭下重聽講精微

紫薇花

風標雅合對詞臣映硯窺窓伴演綸忽發一枝深谷裏似知茅
屋有詩人

書第二考

遙領叢祠又一年何功月請水衡錢江南塞北雖無分林下山
間尚有緣兵去未妨行酒令印收不礙掌詩權祇嫌海嶠登臨
少夢繞未陵紫蓋邊

送鄭君瑞知閩清

茲邑猶淳古君行作長官假令三尺密終有一分寬粟里歸差
易相鄉愛極難千峰青繞郭暇日想凭欄

猫捕燕

文采如彪胆智非画堂巧伺燕雖微梁空賓客來俱訝巢破雌
雄去不歸鶯閉深籠防鷲性蝶飛高樹遠危机主人寔在花墩
上飽卧徐行自養威

次方寺丞方湖韻

晚來吉語到茅椽太華詩翁約泛蓮况有鄒枚同預讌可能李
郭獨如仙帝猶給我還山俸天不需人買月錢揮手闔門冠蓋
客急歸勿攪甕頭眠

鄰家孔雀

初來毛羽錦青葱
今與家雞飲啄同
童子有時偷剪翅
主人常日少開籠
嶠南歲月迷囚裏
隴右山川夢寐中
因笑世間真負錯
綉身翻得上屏風

答傅監倉

少豪頗似括談兵
老去方慙理未明
窓下殘書千遍讀
卷中一字幾回更
撚髭人盡嗤吾拙
歎血誰當豫此盟
肯啖菜根抄脫粟
許君十載共經營

蟾蜍硯滴

鑄出爬沙狀
兒童競撫摩
背如千歲者
腹柰一輪何
器較餅罌

小功於几硯
多所盛涓滴
水後世賴餘波

讀崇寧後長編二首

自入崇寧政已荒
由來治忽繫毫芒
初為御筆行中旨
漸取兵權付左璫
玉帶解來放貴倖
珠袍脫下賜降羌
諸公日侍鈞天
讌不道流人死瘴鄉

陳迹分明斷簡中
絲看卷首可占終
兵來尚恐妨恭謝
事去徒知悔夾攻
丞相自言芝產第
太師頻奏雀翔空
如何直到宣和季
始憶元城與了翁

午牕

恩賦支離粟一囊
午牕卧看世人忙
東來學究貧於我
六月衣

衣上講堂

書感

仲尼已沒世無師新學專門各自私死守不為他說勝秘藏似
恐外人窺欲招程子看通典兼起歐公講繫辭浩歎邇來耆舊
盡緒言分付與群兒

答客

誰謂貧難忍三年開戶居老兵能合藥小僕會抄書白髮羞彈
缺青山去荷鉏既於吟得趣功業合乘除

邛枝

珍重邛山霍勝枝十年南北慣携持扶登石壁寧嫌峻拄過溪

橋肯避危昔涉畏途屢不去今行平地棄如遺主人尚要防衰
老會有重拈入手時

寄泉僧真濟

師遠於醫者聞諸諫議然若非禪性悟必有脉書傳藥貴逢人
施方靈尅日痊西風餅錫冷儻肯訪沉綿

羊毫筆

拔到髯生族多因兔穎稀只宜茅舍用難向玉堂揮弄翰虛名
似吹毛本質非兒曹貪價賤鴟蚓掃如飛

空村

棄置在空村浮名豈復論因思戎服窄方悟緼袍尊城遠難司

曉家貧犬守閭常吟劉越石辛苦戍并門

題齋壁

浩如烟海積如山紙上陳人叫不還白首書生無事業一生精力費牕間

題繫年錄

炎紹諸賢慮未精今追遺恨尚難平區、王謝營南渡草、江徐議北征往日中丞甘結好暮年都督始知兵可憐白髮宗留守力請鑿輿幸舊京

晚出

晚出別村幹夜深徒步歸飯猶懸早稼衣尚在隣机閑塞秋防

急田園歲入微喟然投耒歎事、與心違

伏日

屋山竹樹帶踈蟬淨掃風軒散髮眠老子平生無長物陶詩一

卷枕屏邊

自警

筆枯硯燥自傷悲文體全閑氣盛衰倚馬縱難揮萬字騎驢尚足課千詩奉盤誰可推盟主撼樹人方謗老師疑有更深於此者入山十載試精思

詠鄰人蘭花

兩盆去歲共携來一置雕闌一委苔我拙事持令葉瘦君能調

護遺花開隸人挑蠹巡千匝稚子澆泉走幾迴亦欲效顰耘小圃地荒終恐費栽培

夏夜

熱極不可度起行林影中開窓需過月移簞就來風豪鼠喧深夜高蟬響半空永言時物變露已濕沙叢

書田舍所見

漠漠晴埃起遠疇占相雲日幾家愁細民方慮填中壑巨室何心堰上流斬木由來基小釁澆瓜誰為解私仇寧知送老茅簷

下猶抱書生畝畝憂

郊垌

所住在郊垌田園事遍經淺溝晴後塞高壠雨餘青屋潤鄰翁富祠新社鬼靈南州無酒禁十戶九旗亭

客過

客過柴門歎寂寥旋挑野菜拾風樵無錢輟贈開衣笈有病來求探藥瓢偶憇荒郊思種樹每逢澗欲營橋書生一念終迂濶猶閑蒼黔與肖翹

孟浩然騎驢圖

瓌墨殘縑閱幾春灞橋風味尚如真摩挲只可誇同社裝飾應難奉貴人舊向集中窺一面今於画裡識前身世間老手惟工部曾服先生句，新

時會 有興

有興駕柴車無心起草廬
淺傾家釀酒細讀手抄書
門巷慵耘草園籬課種蔬
雖非黃叔度未易得親踈

聞笛二首

少年裘馬逐秋風
笛起連營響裂空
今夕夢回村墅冷
一枝孤奏月明中
初時廢將哭窮邊
又似孤臣訴左遷
何必謝公雙淚落
野人聽罷亦淒然

健忘一首

昏、健忘廢專精
默坐空齋忽自驚
少作回看如兩手
舊書重

讀似前生却疑安世知
三篋不曉睢陽記
一城莫怪詩成呼燭
寫曉窓追憶欠分明

妄想

妄想如水已盡消
朱顏日向鏡中凋
玉闕萬里曾投筆
草市三家却負樵
弱水古來無路到
小山歲晚有人招
吾廬寂、何須笑君看閑僧住
退寮

白社迎客一首

貧食官倉不自由
強扶衰病坐荒郵
送迎不是祠官事
偶見青山急下頭

七月九日二首

海激天翻電電嗔蒼松十丈劈為薪須臾龍卷他山去誤殺田
頭望雨人
樵子俄從間路迴因言溪谷響如雷分明兩怕城中去只隔前
峰不過來

夢賞心亭

夢與諸賢會賞心恍然佳日共登臨酒邊多說烏衣事曲裏猶
殘玉樹音江水淮山明歷歷孫陵晉廟冷沉沉曉鐘呼覺俱忘
却獨記千門柳色深

郊行

一雨饑殘熱忻然思杖藜野田沙鶴立古木廟鴉啼失僕迷行

路逢樵負過溪獨遊吾有趣何必問樵

懷友

老雀孤飛久失群天涯懷友寸心勤狂生似臆寧堪近佳士如
香故可熏無復挈舟乘大雪有時倚杖送停雲秋來逕草深三
尺誰伴青燈緝舊聞

牢落

牢落我何恨先賢未免窮寧為田舍子不作國師公螢影穿窓
隙蛩聲出壁中殘書殊有味讀到角吹終

跋方雲臺文稿二十韻

文人何瑣碎夫子獨雄尊擊水移南海追風出大宛黑潭龍怒

起碧宇鷓鴣孤鶩翕忽波濤湧須臾電電奔筆鋒山突兀墨瀋雨
傾翻軒豁青天露淒迷白晝昏至微該草樹極大括乾坤金鼓
條侯壁旌旗渭上屯聚如群玉圃散似建章門覽岱親臨頂窮
河直至源檄書傳絕漠詩句落中原猛虎堪鬚捋修鯨可氣吞
寂寥時數語浩蕩或千言神與經營力誰窺斧鑿痕流行通象
桂模刻遍湘沅欲揀皆逢寶將芟不見繁居然開突與詎肯闢
籬藩坎井穀天大溪流笑海渾不妨兒輩撼始付後人論拙詠
雖卑弱因公儻並存

雲

農家望汝卜豐年似絮如峯陡不同縱有濃陰工閤雨略無定
態喜隨風往來與月為仇敵舒卷和天盡蔽蒙安得竦身騰汗
漫叫開闔闔掃長空

樓冠

羽士過門賣新翻樣愈奇堅如龜屋製精似鹿胎為邛杖扶相
稱唐衣戴最宜笑地蟬冕客憂畏白鬚眉

方寺巫招宿瀑上不果

久與瀑泉踈勞公下檄書極知居陋巷不似宿精廬奴客辭看
犢鄰人畏借驢何時兒子壯聊為舉籃輿

詩境樓觀月

人世應無第二樓暮雲飛不到簾鈞未開寶鑑青冥裏先湧冰

輪碧海頭白似雪濤翻赤壁壯如夜日出羅浮酒醒何處吹橫
玉徑欲乘風萬里游

野望

稍有西風起孤筇挾自隨名山多著寺古木必為祠鳥過投林
急樵歸度嶂遲相尋惟有月搔首待移時

西涼山觀雨

與客同登萬仞崖蔽天風雨驀然來六丁白晝誅炎魃百怪蒼
淵起蟄雷毒蟒噴時林盡黑怒龍裂處石中開吾生不及觀河
決得賦斯遊亦壯哉

宿山中十首

城中人恠我清旦買芒鞋君若知其趣還應日七來
玉轡上沙堤金鞍戍磧西何如寒澗底落日蹇驢嘶
就泉為碓屋紫石作書龕有意耕汾曲無心起水南
市脯店猶遠刈芻人未歸夜深語童子且掩半邊扉
路危防陟遠溪黑阻窮深涼月如高士頻招未出林
嵩僧殊好事絕頂廟龍君勿哭一泓水能生六合雲
嵯居供給少不用犬防籬只恐偷兒點來窺壁上詩
山中無價寶月色與泉聲莫向貴人說將為有力爭
玉筍篆文古銀鈎楷法精得知千載下時有打碑聲
淒風轉林杪露坐感衣單不道山中冷飈憂世上寒

七月二十日自瀑上先歸方寺丞遺詩夸雷雨之壯次韻
一首

城裏遙看雨出時想公筆墨發雄奇
山深龍虎飛騰變海運鷗鵬瞬息移凜冽前鋒如赴敵
堂迴勢似歸師驅還始悟山靈意
怕向蒼崖寫惡詩

秋望二首

暮色蒼然上野臺廢塘尚有數荷開
望中愛殺城南柳只怕霜風一夜來

舍南舍北種芙蓉及到秋來次第紅
自是詩人才思窘清風明月有何窮

村校書

短衣穿結半飄空所住茅簷僅蔽風
久誦經書皆默記試挑史傳亦旁通
青燈窓下研孤學白首山中聚小童
却羨安昌師弟子只談論語至三公

聖賢

聖賢自牧極卑謙後學才高膽力兼
悔賦不妨排賈誼謗詩遂至劾陶潛

事見政和御史章疏

取人最忌規模狹絕物常因議論嚴君看

國風三百首小夫賤隸採何嫌

懷李敬子

此士今徐孺柴扉肯妄開
空聞羔雁去不見鳳麟來
廬阜尋僧

出東湖赴講迴何由操杖屨林下再相陪

華嚴知客寮

簷外蒼榕六月秋小年来此爰深幽壞墻螢出如漁火古壁蜂
穿似射侯涉世昏忘舊話入山歷記前遊故人埋玉僧歸
塔獨聽疎鐘起暮愁

第四句七友趙仲白所作今補足之

聞黃德常除德安倅

幕下相從若弟兄當年曾悔誤談兵足行江北生重斲髮為山
東白幾莖病擁琴書專一壑老携檄筆赴孤城暮雲不見關山
路空有天涯故舊情

閑居即事

性偶安林藪元非慕獨清米從仁祖乞粟是伯夷耕廢井通鄰
汲深墻隔市聲却因虛淡極亦自覺身輕

自勉

海濱荒淺幼無師前哲藩籬尚未窺卞咏易流西晉學苦吟不
脫晚唐詩遠僧庵就勤求記亡友坟成纍索碑天若假余金石
壽所為詎肯止於斯

少日

少日閑河要指呼晚歸田里似囚拘氣衰不敢高聲語腕弱終
能小楷書座有老兵持共飲路逢醉尉避前驅子元兄弟何為
者自是嵇康處世疎

貧病

默：守柴荆人間事頗更病方知養性貧始欲謀生尚有狂奴
態元無老婢聲迎來塵慮盡勿怪小詩清

示同志一首

滿身秋月滿襟風敢歎栖遲一壑中除日解令丹灶壞詔書能
使草堂空豈無高士招難出曾有先賢隱不終說與同袍二三
子下山未可太匆匆

後村居士詩卷第四

後村居士詩卷第五

詩南嶽舊藁

和方孚若瀑上種梅五首

仙翁小試春風手高拂茅簷矮映窓選勝多依巖踈種愛竒或
併樹身扛海山大士寒蒙衲月殿仙姝夜擁幢商略此花宜茗
飲不消銀燭綵纏缸

其二

天賜梅花為受用續紛玉屑雪被層砒素芳林下起群品繁蕊
枝頭巧疊瓊隴月照時霜翦七澗風吹處水淙七主人筆力迴
元化催發何須杖鼓腔

其三

瀑映梅花何所似，蚌胎蟾彩浴寒江。
夢迴東閣頻牽興，吟到西湖始墜降。
雪屋戀香開紙帳，月窓憐影掩書缸。
若將漢晉間人比，不是淵明即老龐。

其四

百匝千迴看不足，管他急雪滅奔瀧。
林錯立明梁苑，寶璐橫陳照楚邦。
愛殺嚼芳仍嗅蕊，吟狂哆口更踈龐。
曉來翠羽驚飛去，應為烟鐘樹杪撞。

其五

欲賦梅花材藻盡，公分生意到枯樁。
鉅題昔只韓聯孟，妙手今

惟羿愈逢守穀尚，煩看杏虎護花難。
少吹籬龐丹崖翠壁宜揮掃，止要遊人筆似杠。

再和五首

先生多在中宿為，愛橫斜影上窓紗。
髮僧從深澗，徒賴肩奴過別峯。
扛和羨宰相，調金鼎止渴將軍擁。
碧幢空谷不知如許事，沽來村酒且開缸。

其二

厭看花開平地上，故攀絕磴履危缸。
節方靜女尤專一，韻比高人更少雙。
堪伴愚公居北谷，宜偕漫叟隱南宗。
素標尚恐詩輕，媒敢犯人間曲子腔。

其三
手選千株高下種似行庾嶺泛湘江只銷一朵南枝拆受盡群
花北面降自愛空山吹縞袂絕羞華屋照銀缸主林神禁人殘
毀深夜應無斫樹龐

其四

絕巔歲晚無人到但見山風激嶺瀧高鷗恍如珠照乘深葩還
似寶迷邦巢居公未甘枯槁昂實朝方起碩龐詩在簡齋和靖
裏追攀真以寸筵撞

其五

杖屨暇時常檢點細分枝幹數枝樁試呼童子調霜弄絕勝奴

兵播曉逢色映巖松寒引鶴根連園杞夜聞龐社中作者銛鋒
穎甘豎降幡束短杠

賦西淙瀑布得斷字

蒼山七百畝主人新買斷於時積霧開素瀑掛青漢冷々瑟初
鏗璫々珠乍貫久晴雨瓢翻忽暖水柱泮恍如白浪湧翔舞下
鳧鴈又疑黃河決滎祭沉玉瓚不然蟒出穴或是虹吸澗客言
下有潭龍伏不可玩攫拏起雲氣噴薄蘇歲旱平生愛竒心欲
此築飛觀沿流淺清陟巘騰汗漫低頭拜主人分此華山半

送陳寺丞守南劍

詔免延英對輕裘見吏民極知忙救旱豈是急頌春色為搜空

壞州因獻羨貧此行休戚係未敢賀朱輪
送丁元暉知南海

不用急符催先行要看梅歲時觀祭海休沐必登臺鮑井聊供
飲韓碑待拭苔遙知蠻俗喜令尹帶琴來

醫

脉差死活懸三指灸誤風孿廢四支寧餌生金飡野葛有身不
可試庸醫

哭囊山覺初長老

豈謂茶毗速龕前一愴情空留尊宿貌難問小師名骨已迎歸
塔衣多唱入城百年如此過何異不曾生

又

雪峰寺裏曾相識面皺顴高五十餘削髮入山叅最久白頭出
世瘦如初覺心不共真身壞遺偈犹能戰手書何必塔銘并語
錄吾詩自可表幽墟

題鍾賢良詠歸堂水心為賦詩

細繹華堂扁徵君志可知策弘無聖詔與點有明師忽枉賢良
刺頻需拙惡詩續貂吾豈敢淚落水心碑

挽李端

要識君操履全如字畫真病能妨獻賦窮不廢修身月旦催先
輩春官失此人如聞埋玉速里巷共酸辛

黃蘗寺

猶記垂髫到此山重遊客髻已凋殘寺經水後增輪奐僧比年
時減鉢單絕壑雲興潭影黑疎林霜下葉聲乾平生酷嗜朱翁
字細看荒碑倚石欄

和西外趙知宗

斤妙斲如神源深汲愈新岱宗疑有趾海若忽無津傳遠須公
等鑽堅盡此身平生師友意非為雨中巾

悼秦賢

最晚陰陽証於身獨不靈有妻持舊肆無子學遺經虫蝕抄方
篋莎生曬藥庭城中醫絕少堪惜尔凋零

十月二十二夜同方寺丞宿瀑庵讀劉賓客集

瀑山木落霜寒夜共讀吾家夢得詩坐對遺編忘漏盡手遮殘
燭怕風吹森嚴似聽元戎令机警如看國手棋千載愚溪相對
壘未應地下友微之

久旱即事

賜烏下飲百川空民自祠龍禱社公豈是長官渾忘却水車聲
不到城中

其二

輸租常占一村先不望明時舉力田老畏吏胥如畏虎敗人詩
思攪人眠

送楊休文

初驚字與隱侯同徐讀文編始歎工似倩麻姑抓背癢能令孟
德愈頭風玄機固已超三昧副本何因寫一通消得劉君詩送
路西歸未可歎囊空

哭陳鑰主簿

不但心孤介生形已恠奇在為長官罵沒使邑人思魂遠鄉猶
隔名微世未知空存朋友誼到此力何施

傳諫議和予所贈傳監倉詩復用前韻

諫草如山不論兵當年出處最分明中朝安可無耆舊故事犹
應問老更敢與鳳毛評句法素知牛耳執文盟詩壇亦合先生

築遥望偏師已拔營

宿別瀑上二首

十里荒荆手共開屐痕歷歷在青苔山中援鳥愁予去爭問先

生幾日回

其二

兩日相踈鄙吝生今當遠別若為情夜窻看到千峰黑枕上猶
貪落澗聲

初宿囊山和方雲臺韻

客遊萬里踐霜冰旦披衣坐待明累黍功名成未易跳丸歲
月去堪驚即今紙被携尋宿當日油幢聽報更賴有雲臺公好

事追程來送老門生

白鹿寺

歲晚霜林落葉稠
携家來作鹿門遊
偈言恍似前生說
詩稿猶煩侍者收
身上征衫拋未得
山中靈藥採無由
十年不獨行人老
入定高僧白盡頭
謂長老洪公

答婦兄林公遇四首

霜下石橋滑
蛩吟茅店清
夢迴殘月在
錯認是天明

其二

恨予行李速
愧子酒杯長
日暮于誰屋
天寒陟彼岡

其三

自笑如窮鬼
相從不記年
每煩詩餞送
不步辦車船

其四

挹君如玉雪
未易得親踈
何日深山裏
同燈共讀書

發枕峰

蒼顏奉辟書
嚴裝犯蕭辰
豈不謀出處
歲儉水菽貧
熏黑投山中
明發趨江濱
漁父隱者欵
葉舟方垂緜
相逢飄然逝
似笑來往頻
白鷗我同盟
青山吾故人
即之欲與言
邈若不可親
昔迎歸駟喜
今見行橐嗔
素願悵未諧
抱慙終此身
先賢遠志喻
千載猶如新

高溪驛

舟子初辭去風吹薄酒醒一莖新鬢白數點晚山青潦倒彈長
鋏荒涼宿短亭鄰鷄空喔不似昔年聽

環翠閣

閣上有宣
和二陸詩

大陸題詩小陸和寶鞍画戟傳呼過兩片頑碑未百年已有牧
兒來打破

崇化麻沙道中

經行愛此人烟好面俯清溪背負山半艇何妨呼渡去小橋不
碍負薪還遠聞清磬來林杪忽有朱欄出竹間深處安知無隱

者卜鄰容我設柴関

過劉尚書墓

建人葬邵武

士林方卜道窮通一旦騎鯨萬事空惟下有人師董相墓傍無
客哭喬公白頭稍得談經力青簡尤高絕幣功尚記長衣橫塵
柄今看華表立西風

謝墳

一月山行未有梅曉來戲着小詩催謝家墳寺更衣處初見墻

西半樹間

大乾記夢

辛酉年夢
予方十五

昔夢遊湘水琴書寄葉舟安知三十載真作夢中遊

館頭

雨雪滿：驛堠長不堪流潦入車箱撫州城外黃泥路即是人

間小太行

發臨川

始我卅角來家君綰銅墨縣齋多休暇縣圃足戲劇雖云嗜梨
栗亦頗窺簡冊弟妹俱狹幼親髮方如漆後予捧檄至軒蓋候
廣陌於時志氣銳門戶况烜赫郡花照席紅湖柳拂鞍碧耆老
互問訊酒餼紛狼籍今予挑包過城郭宛如昔高年凋落盡滿
眼少朋讖管子仕瘴煙屈叟掩泉窆華門訪舊師日闇面黧黑
買醪與之酌往事話歷歷既生異縣感復起故鄉憶吾翁墓草
深高堂已班白貧居滄髓空遠遊溫清隔二季官海濱女子各
有適曾不如阿奴碌碌在母側回思盛壯時去矣難復得因成

臨川吟 罷淚橫臆

曾景建自臨川送予至豐城示詩為別次韻

追程送我劍池邊疊疊清談晉宋前豈意白頭趨幕日迺逢紫
氣出閨年夜夜深續炬俱忘寢地冷吹薪久未然臨別祝君加帽
絮高峰雪後尚童顛

自撫至袁連日雨霰風雪

窮臘天地閉雲氣匝野垂何況袁撫間積潦盈路歧寸晷按寸
步一埃費一時忽跌落深淖有似鳥著稿寒日已西匿游子方
南馳孤店渺煙際僮馬饑以羸霏雪沒耐惜風裂肌古人
貴遺體不肯臨深危兒行風雪中慈母安得知終當投紱去重

補南陔詩

安仁驛

偶向溪邊洗客塵
教技如玉照青蘋
淒風冷雨分宜縣
賴有梅花管領人

萍鄉

聞說萍鄉縣家
有絹機荒年絲價貴
未敢議寒衣

牛田鋪大寒萍鄉境內

暝色蟠空起
猙獰激地吹
漸看雲布護
稍有霰紛披
藪上初飄
尾輕已点墀
居人朝未覺
客子夜先知
巧似莊嚴就
勻如剪
刻為充庭水
氏喜縞戶染
人疑洒密苔
緘遍擊多樹
壓垂高峰

迷頂踵遠渡失津涯
窘鬼低蹲草僵禽
默墮枝馬難分北
牡鳥不辨雄雌
倏忽斜還整
冥濛合又離
半埋官路埃
亂打寺廊碑
猛勢欺袍絮
寒光照髣髴
店荒敲盡閉
橋滑步尤危
破釜羨霜
菜殘爐燎濕
箕廢粒憐婦
怯露斨笑兒
痴乍起毛皆
帽深箴手
亦龜犬驚鄰
吠急雞喋野
鳴遲偏滯南
轅路翻思北
戍時旌旗
明雁塞刁斗
亂鵝池呵筆
堪飛檄收燈
可覆棋暮雲
蒙虎卧曉
獵臂鷹隨浴
鐵成何事披
蓑自一竒空
山吟忍凍窮
卷嚙克飢
授簡悲才退
烘衣感氣衰
稍欣茅瘴薄
已覺麥畦滋
病怕村茶
冷愁熈市酒
醜帶間三十
韻聊補昔人
遺

醜陵客店

縣郭依稀隔渡頭，解鞍來倚店家樓。已攀桂樹嗙招隱，因賦看
梅花賦遠游。市上俚音多楚語，橋邊碧色是湘流。直南鄉國三
千里，目送羈鴻起暮愁。

湘潭道中即事

敗絮龍鍾擁病身，十分寒事在湘濱。若非野店粘官曆，不記今
朝是立春。

其二

雉鼓鼙，上 匪廟門可憐。楚俗至今存，屈原章句無人誦。別有山
歌侑桂尊。

謁南嶽

中原昔分裂，五嶽僅存一。嗟余生東南，有眼乃未覩。清晨犯寒
慄，馬上青厓上。恠雲何處來，對面夾齒萃。午投勝業寺，僧訝余
不憚。茗餘因獻嘲，君定非韓匹。彼來既軒露，君至若封鏞。余謂
僧無躁，茲可以理詰。止僧坐悅亭，霾翳忽冰釋。石廩先呈身，岫
嶽俄見脊。須臾天柱開，最後祝融出。高峰七十二，固已得彷彿。
鄴侯何嘗死，懶殘元非寂。恍疑在山中，明當往尋覓。咄哉三尺
雪，孤此一雙屐。駕言欵靈瑣，棲堞晃丹赤。柏深不見人，盡妙如
新筆。珠拋千娉婷，彈棊撫瑤瑟。范上鬼神事，荒幻難究悉。吾師
太史公，江淮徧浪迹。茲烏又浮湘，汗漫恣遊陟。雖然乏毫端，亦
頗增目力。規摹五字體，堵屈萬夫碧。詩成投楮中，何必題廟壁。

勝業寺奉之
寺創於何代問僧皆不知
槎牙夏后柏殘缺柳戾碑
雪過禪堂冷冰餘
獄路危上封猶未到
太息負心期
紫岳墓更隔幾重雲
明仲竄蛩烟欽夫棄妙年
空今後死者有淚滴遺編
昔死監香火今焉裂芟荷
祝融應冷笑還肯再來麼

湘江六言

屈賈死將千載劉君來泛湘江
沽酒偶留村店看山不掩船窓

煙竹舖

野迥村疎起暮寒
偶逢廢驛卸征鞍
主人家比漁舟小
客子房如鶴柵寬
燈與鄰通眠未易
風從隙入避尤難
似聞南去加蕭索
一夜披衣坐不安

衡水道中二首

一舍常分作兩程
雪鞭雨袖少逢晴
平生不識終南逕
來傍湖南塚子行

過了衡陽雁北迴
鄉書迢遞託誰裁
嶽山石鼓皆辭去
惟有湘江作伴來

黃熊嶺

黃茅迷遠近不見一人行
信步未知險回頭方可驚
路由高頂

過雲在半腰生落日無棲止飄飄自問程

祁陽縣

入境少人烟寒江碧際天小留因買石久立待呼船笛起漁汀
上鷗飛縣郭前若無州帖至今尹即神仙

零陵

畫圖曾識零陵郡今日方知畫未如城郭恰臨湘水上山川猶
是柳侯餘驛亭幽絕堪垂釣品室虛明可讀書欲買舟溪三畝
地手苦茅棟竟移居

深溪驛去廣右界一程

苔滿朱扉半闔開更無人跡獨徘徊湘江臨別如相語早買扁

舟出嶺來

全州

寂々全州路家々荻竹扉異僧留塔在過客入城稀傳舍臨清
泚官亭占翠微沙頭泊船者多自嶺南歸

炎閣六名巖閣

閣北閣南氣候分雪飛不過古來云若非曾發看山願老大何
因入瘴雲

秦城

缺甃殘磚無處尋當年築此慮尤深君王自向沙立死何必區
區戍桂林

未至桂州葉潛仲以詩相迎次韻

柘岡西路別君時，幾見天涯柳弄絲。
橫舫壯心空抗慨，覆蕉殘夢懶尋思。
羞將白髮趨新府，却憶青山領舊祠。
猶有南來奇特事，馬頭先得故人詩。

遊水東諸洞次同遊韻二首

桂山前未到，今日是初遊。
招鶴登青嶽，呼龍俯碧秋。
深蹊通秉炬，小竇劣容舟。
豈敢輕題詠，同官盡柳劉。

舊聞崑洞勝，欲往自髫年。
聳秀過靈隱，幽深似善權。
遠環州堞外，近獻屋簷邊。
尚有登臨約，甘為子執鞭。

春日五絕

眼邊桃李過匆匆，鏡裏衰顏豈再紅。
久覺胃寒疎建焙，新因血熱戒耶筒。

步入西風不見人，數聲澗鳥自啼春。
下山欲與唐碑語，先遣奴兵細拂塵。

歸到城門欲發更，馬頭惟有暮鴉迎。
小窓了却觀書課，几首殘詩旋補成。

老懶何心更出嬉，閉門終日讀陶詩。
湘南二月花如掃，恰似扶疎遶屋時。

曉風細雨斜，僦僦書生屋角花。
想見水南僧寺裏，一株落盡病山茶。

訾家洲

來訪唐時事荒洲暮靄青遍生新草棘難認舊池亭毀記欺無
主存祠怕有靈今人輕古蹟此地少曾經

又

裴柳英靈渺莽中鶴歸應不記遼東遺基只有蛩鳴雨往事全
如鳥印空谿水無情流瀨々海山依舊碧叢々斷碑莫恠千迴
讀今代何人筆力同

得家訊

不覺離鄉久南來驛使踈羈臣一掬淚慈母兩行書租稅聞輸
畢田園說歉餘何時真宦達處々奉潘輿

上已與二客遊水月洞分韻得事字

勝踐造物慳貧交世情棄昔戒十客來旦無一人至惟我暨兩
君鼎足坐水次歡言天氣佳誰謂風土異高吟雜樹騷選序酌
逮髻禡滌崖去惡詩捫石認缺字古來幾襖飲傳者終一二蘭
亭感慨多未了生死事杜陵更酸辛窮眼眩珠翠旨哉茲日游
超然遺塵累消遙千載後尚有浴沂意岩扉滑如玉歲月可鐫
識

出城二絕

日七銅瓶插數枝瓶空頗訝折來稀出城忽見櫻桃熟始信無
花可買歸

小憩城西賣酒家綠陰深處有啼鴉主人歎息官來晚謝了醪
釀一架花

三月十四日陪帥卿出遊

未出繞山雲既出雲徐開君侯與天通造化力可回駕言訪岩
扉群彥森然陪旗鉞映川原笳吹喧蒿萊掃石坐夷曠捫葛窺
崔嵬訾洲久蕪沒草樹皆新培范張數君子遺剌蒼蘚埋方羊
不忍去返照明千崖沙禽就栖宿綠鷁猶沂洄眷焉宇宙間此
樂何常哉鄴都會應劉梁園命鄒枚主公富貴人襟抱尤雄猜
當年篇翰存往々鄰排諧英々大都督羔雁招遺才雲烟生妙
筆冰雪懸靈臺况復是夕霽素魄海上來一碧九萬里空洞無

纖埃臨風惜飲量孤負黃金壘座中盡文豪授簡奚徘徊吾詩
固拙速聊為石生媒

武岡葉使君寄詩次韵二首

詞客紛々載後車誰能遠寄病相如雙旌已拜湖南牧尺素猶
題嶺外書詩句騎馭游蜀後情懷賦鵬弔湘餘似聞闔郡春風
暖便擬移家占籍居

北戍逢君歲建寅豈知今作落南人瘴來客病鄰山鬼舶去鄉
書託海神目送飛鳶偏忘土夢隨畫隼共行春謝家兄弟如雙
壁交契寧非有夙因

移居

庭下薔薇樹花開玉雪毬主人明日去相對似含愁
隣曲無還往何由有別情惟應小窻月長記讀書聲

呂錦鷄一首呈葉任道

炎州產文鷄毛羽同天稟朱丹飾尾距綵綉錯襟衽主人極珍
憐禽合分俸廩置諸後園中小奴司啄飲地荒籠柵疎客見輒
危慄點狸出沒精豪鼠窺伺稔諒垂彼饒涎或瞰君高枕駭機
中夕發果以斃來諗裂冠首立碎齧嗉聲已喋酷哉三尺喙殘
此一段錦長嗟命瘞埋詎忍付烹飪始為文采累終欠智慮審
老瞞哉孔公千載憤凜々黃祖殺處士麤暴犯流品况茲毒鷲
物尤索防閑甚善視雙翠衣夜涼句嗜寢

哭孫行之二首

已了燈窓債心知舉業非立朝多諫草取友必深衣
齏糲貧時共書筒貴後稀病身偏惜淚一為故人揮

世上高科衆君尤自貴珍如何一夕裏忽盡百年身
雙旒齊眉友孤燈擁髻人傷心惟孟母頭白送歸闈

即事

嶠南氣候異中州多病誰令作遠遊瘴土不用梅亦濕
颶風能變夏為秋方眼壞絮俄敷筆已著輕絺又索裘
自歎幻身非鉄石天涯豈得久淹留

楮樹

楮樹婆娑覆小齋更無日影午窓開一端能敗幽人意夜半牆
西礙月來

象奕一首呈葉潛仲

小藝無難精上智有未解君看橘中戲妙不出局外屹然兩國
立限以大河界連營稟中權四壁設堅械三十二子者一其
變態先登如挑敵分布如脩塞盡銳賈吾勇持重伺彼急或遲
如圍豈或速如入蔡遠砲勿虛發冗卒要精汰負非繇寡少勝
豈繫強大昆陽以象奔陳濤以車敗匹馬郭令來一士汲黯在
獻俘將策勛得雋衆稱快我欲築壇場孰可建旗蓋葉侯天机
深臨陳識向背縱未及國手其高亦可對徂捷敢饒先諱輸每

索再寧為握節死安肯屈膝拜有時橫槩吟句法尤雄邁愚慮
僅一得君才迺十倍霸圖務并弱兵志貴攻昧雖然屢尅獲詎
可自侈怙呂蒙能馘羽衛瓘足縛艾南師未宜輕夜半防所寨

送陶仁父

自古送行情味惡君行快似泛仙槎新班人少先投卷下水船
輕易到家南浦不堪看草色西湖尚可及荷花諸公若問栖
者為說吟詩兩鬢華

書壁

練衣蒲屨小綸巾四壁清風一榻塵誰謂先生貧到骨百金新
聘竹夫人

移竹

借居未定先栽竹為愛疎聲與薄陰一日暫無能鄙吝數竿維
小亦蕭森

窓間對了添詩料郭外移來費俸金自笑明年何處在虛簷風
至且披襟

後村居士詩卷第五

後村居士詩卷第六

詩南嶽舊業

癸水亭觀荷花

執熱屏人事偃卧慵中裳過門二三友失喜跣下床鳴騶出華
陌聯轡遵野塘崇軒俯萬荷濯漚涵波光都忘瘴海中疑墮玉
井傍遠無膏粉氣近有水霜涼製葉可以衣採的可以嘗離騷
譜靈草品尔列衆芳似曾識三閭安肯肖六郎詞人更儂薄比
詠猶妃嬪曷不觀茲花意色和而莊風吹月露洗豈若冶與倡
衆方慕絕艷誰能參微香余詩縱枯淡一掃時世粧

棲霞洞

往聞耆老言茲洞深無際閻中或識路塵外別有世幾思絕人
事齋糧窮所詣棋終出易迷炬絕入難繼孤亭渺雲端於焉小
休憩憑高眺城闕擾々如聚蚋盡捐滓穢念遂有飛舉勢山靈
媚清遊雨意來極銳濛々濕沙草浥々涼松桂暝色不可留悵
望岩扉閉

堯廟

帝與天同大天存帝亦存桑麻通絕徼簫鼓出深村水至孤亭
合山居列岫尊尚餘土階意樵牧踐籬籬

五月二十七日游諸洞

來南百慮拙所得惟幽尋矧余玉屑友共此丘壑心江亭俯虛

曠穴空窮邃深是時薄雨收白靄籠青岑棄筇追野步却扇開
風襟爽方豈必好差遠鞞鼓音且願海道清莫問神州沉徘徊
惜景短留滯畏老侵昨遊感鶯呀今至聞蟬吟常恐官事至繫
佳日妨登臨譬如逃學兒汲々貪寸陰何因釋膠擾把臂偕入
林

泛西湖

桂湖亦在西豈減穎與杭丹橋抗崇榭淥波浮輕航休沐陪勝
錢軒蓋何煒煌停橈藕花中一目千紅裳詎知白晝永但覺朱
夏涼古洞半蕪廢仙人今在亡踞石散醉髮吸澗澆吟腸延綠
繚溪步詰曲經禪房野鳥啼密竹高蟬嘒踈場維無絲管樂談

論諧宮商諸君敏于詩授筆如蜚翔顧予乏華藻山雞追寫皇
頗能讀古碑所恨侵夕陽明發復擾前遊未可忘

題許介之詩藁益公稱其詩

我留鷲路外君住雁迴邊走僕行千里敲門授一編真妍非粉
黛至巧謝雕鐫何必周丞相男兒要自傳

慈氏閣馬氏建

閣建五季時丹碧見層紫吾行半區中鉅麗莫與比想方營綜
時霸心樞雄侈但思窮耳目寧論竭膏髓一朝林谷變飛電掃
借壘湘波日夜流不洗爭纂恥惟存浮屠居願力久未毀夕陽
吊陳迹危檻聊徙倚遙憐下界熱高處涼如水若非逼巖鑰坐

待鐘聲起

待鐘聲起

每到闌干畔徘徊暮始還為憐鄰水寺盡見隔城山牆繚青苔

裏舟葺綠樹間松扉宜步月只是限重關

辰山

一峰疊三洞迺似弘景樓下洞初俯入蘚室寒飈中洞忽躍
出有徑通玄幽豁然崖谷判萬態誰鐫鏤或植如寶幢或綴如
珠旒或如鯢鯨飛或如龍麟游石橋狀天台木棧疑蜀州稍憩
大士岩遂經羽人丘力窮至上洞身載雲氣浮未化山水綠勉
為塵世留平生避地心茲焉宜菟裘長斧樵寺壁短策耘綠疇

獨

恨汲路遠溪澗皆皆流會當逢異人卓錫成雲湫
西巘林巒擅一城渺然飛觀入青冥于湖數字題華棟陽朔千
山獻畫屏勝境小詩難寫盡天寒薄酒易吹醒獨遊不恨無人
語滿壑松聲可細聽

曾公岳

廣室內嵌空層峯外魏鬼仰視駭懸石俯踐愁滑苔古竇風蕭
陰澗泉洄飛梁跨其間上可陳搏壘受涼復畏濕當暑重
裘來名岳者誰欵兄同弟子開憶昔建中初國論幾一迴惜也
祖荆舒卒為清議排至今出牧地姓字留蒼崖躊躇增慨歎日

入禽聲哀

郊行

薄有西風意郊行得自娛山晴全體出樹老半身枯林轉亭方
見江侵路欲無何妨橋纜斷小艇故堪呼

秋日會遠華館呈胡仲威

嶺表堂必熱庾伏頻滂沱薄莫招慙要益李參瓶荷君侯如長
松折節交藤蘿奇字識夏鼎古音彈雲和今日素商至高屋涼
意多夜清羣籟息已有蛩鳴莎人生不飲酒賢愚同銷磨拍手
問湘纍獨醒欲如何謬承青眼顧詎惜蒼顏醜客散我亦歸耿
看斜河

老大

老大重登聘士臺，客懷牢落可曾開。
臨流往往看鳶墮，入署時時見馬來。
有約青山何日去，無根白髮是誰栽。
自嫌不帶功名骨，只合眠莎與坐苔。

伏波巖

懸崖萬仞餘江流，繞其趾仰觀不見天。
森秀拔地起中洞，既深豁旁竇皆竒詭。
惜哉題識多蒼玉，半鏤毀安得巨靈鑿。
永削崖谷耻，緬懷兩伏波。往事可追紀，銅柱戍浪拍樓船。
下湟水時異非一朝，地去亦萬里。山頭博德廟，今為文淵矣。
謂我詩弗信，君請訂諸史。

詰猶

古人養客乏車魚，今汝何功客不如。
飯有溪鱗眠有毯，忍教鼠啣案頭書。

八桂堂呈葉潛仲

金華丞相之孫

之子初度日，畏客如避仇。朱門禁入謁，青山招出遊。
置醴泉石間，涼意生觥籌。風檻絳華馥，冰盤丹實游。
起誦眉壽篇，酌君介子秋。煌煌丞相孫，少也宜襲侯。
黑頭去云遠，白髮來何稠。君言權位盛，孰若志意修。
靜觀鐘鼎族，起滅猶輕漚。祝君象韓呂，不羨嬉與攸。

挽聶孺人

平樂董令之內

已病猶蔬素西歸不復疑飛鳧踰嶺遠別鶴返鄉遲
歲史傳賢女中溝付侍姬白頭潘令在應有悼亡詩

題胡仲威文藁

熟讀執事文恍如入寶山瑰異千萬種一、無可刪
瑤草既俯拾珠璣亦仰攀美玉不知數照映霄壤間
大者中圭瓚小者堪佩環居然郊廟器胡為委荆管
嗟余頗識寶對之清涕潛攜寘節屋內虹氣驚市闌
常恐陽貨輩竊去亡絲還何當變姓名袖

出函谷關

戴秀巖

戴秀者兵卒也得道于此

茲巖視諸峯厥狀尤崢嶸舊為碧藓封新有朱棧橫
靡腰尚恐

墜束炬劣可行外狹中乃寬始暗俄忽明仰窺神魄悸
俯顧形骸輕遂覽丹爐基微聞玉鼓聲源深足力盡路
黑雲氣生不辨晝夜分恍疑世代更嘗聞學神仙所得
由專精豈吾諸名士羨彼一老兵欣然約同志嗣此將
尋盟安知無白鹿絕頂來相迎

寄左次魏二首

多謝齊安牧交情未潤踈方籌江北事肯寄海南書
開幙交鋒處脩城劫火餘別來各添歲筋力近何如
同事征西府聞君已繡衣小侵今視昔大捷是耶非
酋長輿尸返偏裨奏凱歸六閩天樣險莫遣賊能飛

中秋湘南樓餞張昭州

臺使選良牧詔下帝曰俞高牙植華艦餞者來傾郭明月滿麗
譙寒光映尊壺桂人願少留昭人望疾驅一空可為政况乃有
國都嶺民日以耗丁口疆半無洋、紫雲詔侯其勒座隅道鄉
游息處暇日披榛蕪鄙拙忝投分臨風獨踟躕頗念友離索寧
論鬼椰榆何絲扣鈴閣百榼傾兵厨 郡酒絕佳

榕溪閣 山谷南遷
維舟榕下

榕身竹影一溪風逸客曾來繫短蓬我與竹君俱晚出雨榕犹
及識涪翁

哭譚戶錄二首

讀過書皆記非惟善屬文有名登進士無命作參軍白髮行秋

署青衫殮瘴雲可憐膏火下虛費一生勤

胸次有千年囊中之一錢客來論旅殯官為雀歸船通德梳新

髻童烏拾舊編傷心憐巷裏廢宅鎖寒煙

風

風於天地間惟桂尤其雄將由巖竅多或是地形穿不知起何

處但覺來無窮浮埃晦白晝奇響激半空一怒動旬浹小亦數

日中城堞凜欲壓况此丰畝宮嘗聞古至人御氣猶輕鴻劉季

晚可憐擊筑悲沛豐我老斷恐怖眠身等枯蓬飄擲付大塊奚

必分西東

觀射

浪箭來如林傍觀笑不禁
蠻平無事久平情
可憂深谷自分牛
焉何曾貫蝨心
种侯清澗法能廢
幾黃金

荔支巖 洞內小石如荔支者無數

異境閱神奇
一罅通深阻
呀然張蟾吻
光恠腹中貯
始來尚靚面
稍進但聆語
迴頭失塵世
束縵行里所
石房容丁客
石柱徑夫許
眠藜若將吹
陸果疑可咀
平生聞化城
今見玉樓櫓
陟高既趨捷
循狹或偃倮
忽逢路窮處
淺浪隔洲渚
心知仙聖居
欲到無飛羽
向非薪燭力
往返何異瞽
重遊倘未卜
聊向詩中覩

再游棲霞洞

直路幽陰側路明
玉為墻壁雪為城
殷勤報有詩翁到
萬一仙

人肯出迎

佛子岩

環郭洞府多所患
在卑濕斯岩獨虛敞
他境未易及
穹如層屋構
廣可百客集
開竇送雲出
掃壑延月入
穴居倘堪謀
竟欲老樵汲
絕顛猶玲瓏
苔磴不記級
惜為僧所浣
飛棟緣業炭
佞佛墮痴想
明鬼趨陋習
遂令登眺者
欲往足若繫
何當一療空
盡見萬仞立

劉仙岩

絕頂來尋煉藥蹤
老仙端的是吾宗
寄聲月白風清夜
定許相期第幾峰

龍隱洞

先賢評桂山推尔居第一豁然碧瑤戶夾以雙玉壁中有無底
淵黑浪常蕩瀟諒當剖判初倍費造化力雷噴斧山開龍怒裂
日出至今絕頂上千夫留尾脊寧論兒女兒壯夫股為慄我來
欲題石腕弱墨不食摩抄秋李碑文字尚簡質今人未知貴後
代如寶惜泐流工駭舟久遊覺蕭瑟岩室寬如家迴棹聊惕息
秋武襄公平蛮碑李師中待制宋頌在焉

哭梁運管

後 丞相克 家之孫

憶共游山猶昨日奄歸白晝隔存亡宅深外不知何病鑿雜人
爭試一方弔客傷心同漉酒愛姬收淚各分香淳熙丞相潭

府今日門庭冷似霜

琴潭

山形若覆奩潭面如拭鏡奇哉几案物千古棄荒蕪了無板躋
勞坐愜幽莖性泉源黑難窮崖色碧相映闔深畏龍蟄窺淺見
魚泳可憐風水聲空山誰來聽我欲居茲立掃迹迹翬競未言
葺茆齋先可理漁艇

清惠廟

來訪古寺宮迢迢過水東一條溪不斷數里竹方通巫拜分餘
昨商行禱順風粧樓空百尺半什夕陽中

辰山道人

道人何為者寒暑一破衫髮白具老態口訥稀冗談祇陪小隊
來猿鳥窺層嵐道人方掩戶燕坐彌陀龕迎客不下山送客不
出庵即之疑槁木面目寒崢嶸岩贈錢漠然謝有若投諸潭微言
歲計熟收芋已滿籃斯人未識字豈必曾遍參所立偶自高可
傲佞與貪

玄山觀 宋之問別墅

來瞻石像看唐碑一徑蒼松映碧漪聞說宋公曾住此寄聲過
客細吟詩

榕溪隱者

榕溪有隱者幽事在溪曲治地可十畝方整如奕局始行入荆

扉漸進至茅屋掛之百盆蘭繚以萬竿竹解衣憇繁陰擁鼻參
微護主人聞客來引避若駭鹿却詢守舍兒云已出賣墨壁間
見其像條褐巾一幅安知非回仙寄跡混塵俗矢詩慕高風君
歸倘肯讀

禊亭 南軒所立

年春草上亭基父老猶能說左司寂寞當時修禊處一間老
屋兩殘碑

自用臺字韻一首

脫了荷衣事將臺羈留又見嶺梅開詩因癸水辰山作訟自雷
州電縣來架上書從人借讀牆邊竹是俸移於小窠眠起無情

味閑聽飢禽啄翠苔

蓼帶亭

上到青林杪凭欄盡桂州千峯環野立一水抱城流沙際分漁
艇烟中見寺樓不知垂去客更得幾迴遊

程公巖

石室外甚狹中廣如毬場偉哉鉅麗居天造無棟梁巖冬既深
燠盛夏尤虛涼偶至不忍去秋屨猶方羊人能專此壑何必政
事堂先須置禪龕次第營丹房煙霞入几席塵土麾門墻學道
縱未得著書亦可藏

哭林推官晉之

去歲衝寒赴辟時感君騎馬遠追隨一春不得梅花信萬里空
題薤露詩小簡佩壺邀士友大鎗煮粥活流移平生二事猶堪
記應有公名與撰碑

鵲

久不聞烏鵲朝來噪不休殊鄉無喜事應為買舟歸

榕臺二絕

拔地高崖如鉄色拂天老樹作寒聲他年記宿榕臺夜便是南
歸第一程

囊無金累貧如故鏡有絲生老奈何一事尚堪誇北客來時詩
少去時多

巖閣新洞

羽客初尋見因於此葺廬未能平險峻先擬架空虛磴路樵相
引山名尉自書看得臨驛道未必有仙居

乳洞

千峯夢裏尚崔嵬不記青鞋走几迴天恐錦囊猶欠缺又添乳
洞入詩來

發湘源驛寄府公

走本山中人感激趨燕臺謬辱弓旌招愧乏謀議陪先生如春
風盎然嗟陳黃曉入開玉帳夕話局鈴齋下榻驚一府撰杖窮
千崖堂曰君畜伎實惟子視回歲晚謀北轅淒其難為懷欲言

先苑結旣決猶徘徊是日戒行李送者皆郵枚兵厨遣珍餉祖
席羅寶釵下令許卜夜寧畏街鼓催詰旦枉茸纛山亭陳金罍
都人如堵牆謂我何榮哉未聞從事去親致元戎來繾綣談至
夜霜月照露苔長跪抱馬足離緒焉能裁麗譙落天杪悵望空
倚桅昔人死知己骨朽名不埋公有管樂姿愚非溫石才他時
倘後彫安敢忘栽培

鐔背

史祿渠至
此分水

世傳靈渠自秦始南引灑江會湘水楚山憂赭石畏鞭鑿崖通
塹三百里蒿師安知有史祿割牲陳幣祀瀆鬼我舟閣淺懷若
人要是天下奇男子只令渠無人修嗟乎秦吏未易訾

書堂山 柳開守清
湘讀書處

子厚文章宗仲塗堂後身不肯作崑體寧來牧湘濱詠茅翠麓
顛日與書卷親刻去五季哀挽回六籍醇歐尹相繼出孤唱猶
伊人風流喟已遠尚喜棟宇新千峰高叢一江碧潏禽魚
豎草樹纖悉几案陳澗泉既可汲山木亦可薪熟讀壁間藏痛
掃毫端塵翳我山中友勿厭泉石貧

湘中口占

少年裘馬事清狂晚看梅花到瘴鄉一任海風吹面黑免教人
謗作何郎

船頭吹火廬全婢馬後肩書穎氏奴安得世間名盡手寫我出

嶺泛湘圖

江邊金碧謾層層戶口稀疎塔廟增楚俗不知黃面老家香

火事湘僧 無量壽
佛是也

津吏沙邊立指呼放船出鎖要州符書生行李堪抽点蒼苾明
珠一例無

見方雲臺題壁

寄書迢遞夢參差每見留題樹所思不論驛亭僧寺裏有山水
處有君詩

土馬村

村墟薪濕米如金猶記來時臘雪深曾有小詩題歲日店荒無

壁可追尋

祁陽道中

昨過知岑寂重來况雪天人
居鷄柵裏路在烏巢邊草市開還
閉茅山斷復連瀟湘清似鏡
悔不問歸船

愚溪二首

草聖木奴安在哉荒榛無處認池臺
傷心惟有溪頭月曾識儀
曹半面來

青雲失脚謫零陵十載溪邊意未平
溪不預人家國事可能一
例受愚名

浯溪二首

上置書堂下釣磯漫郎陳迹尚依稀
無端一首黃詩在長與江
山起是非

形容唐事片言中元子文猶有古風
莫管看碑人指點寫碑人
是太師公

石鼓

石鼓名天下州庠画不如古祠猶漢舊
石刻半唐餘翠巘供憑
几寒江照讀書恨余非楚產來借一房居

湖南江西道中十首

獨醒公子去沉湘未識人間有醉鄉
酒與離騷難捏合不如痛
飲是丹方

賈生廢宅草芊芊，路出長沙一悵然。今日洛陽歸不得，招魂合在楚江邊。

少陵阻水詩難繼，子厚遊山記絕工。斷壁殘圭零落錦，新碑無款滿湘中。

去年冬至投僧寺，今歲陽生宿店家。獨夜無人堪晤語，青燈相對結寒花。

蠻府參軍鬢髮蒼，自調款乃答漁郎。從今詩律應超脫，盡吸蒲湘入肺腸。

丁男放犢草間嬉，少婦看蚕不画眉。歲暮家亡禾絹熟，平鄉風物似幽詩。

每朝介甫行新法，常恨歐公不讀書。浩歎諸劉今已矣，路傍喬木日凋疎。

落葉衰草與雲平，斗氣千年不復明。惟有多情蓬上月，相逢客

子過豐城。

派裏人亡有集開，竟師山谷友誠齋。只饒白下騎馱吏，不敢勾

牽入社來。

上封已失嶽僧期，客問丹霞謝不知。懶到登山臨水處，始驚筋力減來時。

曉雞

絳幘昂然韻節清，不因風雪廢長鳴。初聞烟岫猶啣月，久聽山

城漸殺更驚起征夫茅店夢喚回老將玉関情年來兵復中宵
舞自咲功名一念輕

哭裴司直元量

築室西山下孤標未易親長閑如野鶴偶出似祥麟屬者陪髦
士嗟呼瘞玉人北風吹老淚空滴暮江濱

豫章二首

湖光如鏡了無塵照見先生白髮新晚歲騎驢行萬里始知孺
子是高人

交遊回首散如煙重過洪州隔世然手種垂楊皆合抱朱顏安
得似當年

還杜子楚詩卷

老眼昏花廢課程小窓久矣斷書聲夜來忽得君詩卷自起挑
燈讀到明

訪李公晦山居

烏州在橋北我僕云路迂語僕尔何知彼有高士廬問樵得處
所林樾尤扶疎修竹僅萬箇古梅非一株小畦植蔬果復有水
可魚下馬式籬藩攝袂循庭除不聞雞犬聲茶烟起庖厨伊人
道義富豈比山澤癯蕭然蓬蒿中尚友泗與洙古來連雲第翕
赫衆競趨漸臺暨郟鳩變成終湏臾聖門不朽事乃屬陋巷儒
願君長保此是亦顏之徒

道傍梅花

風吹千片點征裘
猶記相逢在嶺頭
歲晚建州城外見
向人似欲訴離愁

戲書客舍

已去光陰挽不回
漸驚老態逼人來
決河枕有方堪塞
脫髮應無術可裁
北戍寶箴惟檄草
南游捆載是詩材
客愁何物禁當得
聊向旗亭買一杯

懷安道中

閩溪瘴嶺客程賒
曉泊懷安喜近家
大屋書旗誇酒米
小舟鳴櫓競魚蝦
溪移驛已臨高岸
潮退帆多聚淺沙
快著征衫鞭瘦

馬要看二十里梅花

哭方澤孺先生二首

弟子成名衆
先生獨命窮
廣場雙鬢秃
陋巷一瓢空
鷄饌為親設
牛衣與婦同
嗟呼猶嗇壽
神理竟難通

方訝書來少
殊鄉訃忽聞
素幃無祭主
破笥散遺文
已閉三間屋
誰封四尺墳
舊存傳業者
南北各離群

真隱寺

出郭斜陽已在山
夜深乘月到江干
奴敲小店牢扃戶
僧借虛堂竟掛單
駭浪急回因膽薄
逆風小住為心寬
投床一枕瀟湘夢
無奈雙鐘苦喚殘

道傍松

入關多古松夾道踈復密未常識兵火既久蔽雲日蠢茲惰游
民深夜腰斧出剽根取脂助竊負如鬼疾譬如人則趾僵仆立
可必供君一瞬光天彼千歲質暴殄聖垂誠樵採官著律徼吏
嗜難豚熟視不訶詰登高撫達路巨幹日蕭瑟哀哉暑行人喝
死誰汝恤

枕峯寺

夜深投寺解行裝一點寒燈照上方老宿問余何處去年來
此借禪床

乍歸九首

官滿無南物飄然匹馬還惟應詩卷裡偷畫桂州山
兒童娛膝下母子話燈前却憶江湖上家書動隔年
北戍邊城下南遊瘴海頭不知天地內何處可逃愁
絕愛牆陰橘花開滿院香鄰人欺不在稍覺北枝傷
孚若如天馬軒昂不可羈為貧踈飲客因病出名姬
弛擔逢除夕檀棗共擁爐把如為客看還得自家無
架書多散亂信手偶拈開匹似前生讀茫然記不來
手種梅無恙蒼苔滿樹身可憐開較早不待遠歸人
格力窮方進功夫老始知儘教人貶駁喚作嶺南詩

題坡公贈鄭介夫詩三首

玉座見圖歎累々菜色民如何
崔白輩只寫蔡奴真
向來與相國投分自鍾山
不入魏材館甘為老抱關
下吏語尤硬投荒身轉輕
不然玉局老肯喚作先生

後村居士詩卷第六

後村居士詩卷第七

詩

蔡如惠家觀墨蹟

維蔡郡之望過者必式問嚴々
端明廳遺像猶肅如頗聞手澤
富尚許窺珍儲主人命發笥
集几同卷舒比顏倍秀麗
眠柳加敷腴亮杭兩記在妙
與蠟本殊洛橋字尤佳其大
徑尺餘班々名臣帖煌々
昭陵書坐令承學士若覩慶
曆初向來故家物聚散何忽
諸祭器抱他適玉軸棄路隅
端明夢奠時磨門惟一孤
厥裔日以蕃廟院蜂房居寸
紙惜如命不博明月珠乃知
儒澤遠浮榮無根株晶哉守
視者中襲防蠹魚

昔方孚若主管雲臺予監衡獄每歲 瑞慶節常聚廣化
寺拈香癸未此日獨至寺中輒題一絕

同作祠官荷聖朝年々相待放生橋精廬此日來無伴稽首爐
熏自祝堯

有感

策杖秋聲起樹枝遙憐塞下雁來時寧聞中夜荒鷄舞肯捨他
人竹馬騎短劍舊曾交俠客小詩猶足將偏師無情却是青銅
鏡剛照書生兩鬢絲

挽水心先生二首

一夢 孝皇初悽然四紀餘國人莫知我天下孰宗予散地維

無柄名山儘有書烏呼傳萬世猶足矯玄虛
所學如山海吁嗟不一施未聞訪箕子但見誅宣居空郡來陪
哭無人敢撰碑紛々門弟子若個解稱師

林容州別墅

出郭五里強治地十畝寬竒峰面朝挹高阜背屈蟠忽獻若神
授久闕由天慳茲焉卜壽宮朱堊浮林端使君世慮澹出嶺顏
如丹靜思三窟危孰如一立安時松既森秀引泉亦甘寒願言
奉巾屨暇日來盤桓

哭林山人

僵卧茅簷下怡然八十春竟無衾覆首惟有鍾隨身賻弔稀來

容封崇託外親自言故出貴後必產奇人

挽方孚若寺丞二首

使君神雋似龍麟行地飛空不可馴詩裏得朋卿與我酒邊爭
霸世無人寶釵去盡中年病珠履來踈晚節貧昔共誅莽聽瀑
處溪雲谷月亦悲辛
斯人詎意掩斯丘六合茫茫不可求射虎山中如昨日騎鯨海
上忽千秋帝方欲老長沙傳虜尚能言博望侯回首瀨溪畔
路跛驢無復從公遊

挽方武成二首左鉞

頗有翁標致唐衣折角巾雖疑頭小銳極愛腹精神潤矣雲霄

志悲哉露電身世間無妙質一痛惜斯人
北角詩名出流傳海內誇師稱起予者翁問倩人邪惜未參諸
老猶堪擅一家從今崖瀑上誰共訪梅花

福州道山亭南豐作記

絕頂烟開霽色新萬家臺觀密如林城中楚_王銀袍子來讀曾
碑有几人

建州

風縈雲高雪尚慳建州城北倚闌杆林梢淡日紅如綫應有梅
花煖晚寒

起來

起來呵手檢衣篝燭影蛩聲伴小樓賴有夢中堪細說錦箋寫
不盡離愁

入浙

浦城南畔只輕陰入浙方驚雪許深梅皜楓丹三百里笑人短
幅寫寒林

寄人

老携詩卷入京華覓店先須近酒家白髮但能妨進取未妨痛
飲插梅花

壽昌

山路泥身雪未乾病身初怕浙西寒新年臺曆無人寄且就村

翁壁上看

桐廬

桐廬道士雪花飛一客騎驢覓雪詩亦有扁舟策笠興江行却

怕子陵知

富陽

便着羊裘也不難山林未有一枝安富春耕種桐江釣却羨先
生別墅寬

記夢

父兄誨我鬢髦初老不成名髻髮踈紙帳鉄檠風雪夜夢中枕
誦小時書

出都

客子來時臘雪飛，出城忽已試單衣。
湖邊移店非無意，要共林逋話別歸。

題硯

吾硯平生極自珍，塗雲抹月發清新。
臨歸攜就西湖洗，不受東華一點塵。

杜丞

憶冒重圍入孤城，賴不亡戟功何日。
賞檄草至今歲，舊事歸詩卷新寒。
入箭劍江邊聞杜杲髮髻各蒼。

久客

久客長安市，人情薄似雲。
寧為絕交論，不著送窮文。
白髮長千丈，黃金盡百斤。
故山春事動，深恐廢耕耘。

贈陳起

陳侯生長紛華地，却以芸香自沐熏。
鍊句豈非林處士，鬻書莫是穆叅軍。
雨簷兀坐忘春去，雪案清談至夜分。
何日我閑君閑，肆扁舟同泛北山雲。

贈翁卷

非止拉唐風，尤於選體工。
有時千載事，祇在一聯中。
世自輕前輩，天猶活此翁。
江湖不相見，終見又西東。

路傍桃樹

為愛橋邊半樹斜，解衣貰酒隔橋家。唐人苦死無標致，只識玄都觀裡花。

題壁

兒時挾彈長安市，不信人間果有愁。行遍江南江北路，始知愁會白人頭。

馬上口占

陌上鞦韆索漸收，金鞭懶逐少年游。晚風細落梅花點，飛上春衫總是愁。

挽李尚書二首

韓范止如此，公乎事又艱。不陪治城廟，合殉定軍山。坐出千官

賀弓藏一老，閑瑀弓提十萬猶。記凱歌還

幕下多材雋，於今盡策勲。可憐狂處士，曾揖大將軍。父成兒即

老，新招部曲分。此生甘寂寞，有淚濕新墳。

橋西

昔飲橋西歲月多，梨花深處待郎過。垂鞭欲訪殘君約，柰此蕭蕭鬢髮何。

黃田人家別墅繚山種海棠為賦二絕

萬紅無路笑相迎，彷彿前身石曼卿。若向花中論富貴，芙蓉城劣海棠城。

海棠妙處有誰知，全在胭脂乍染時。試問玉環堪比否，玉環猶

自覺誰披

郭熙山水障子

高為峯嵩下濤江極目森秀涵滄浪始知著色未造極一似魏
女施鉛黃驚泉駭石聚幽恠巨楠宮柏塙老蒼鹿門寺華子固
是耶非耶遠莫詳疑聞鐘聲起曉靄似有恍影來微茫陌窮渡
絕雪滿坂馭鞍釣笠分毫芒炎曦亭午試展玩坐覺烟雨生縑
緗古來絕藝必名士俗吏辟易安敢當大年脂粉米老狂先朝
僅數燕侍郎吾聞汾陽子貴購父畫一筆不許他人歲矮屏短
軸已可寶况此四幅垂畫堂嗚呼主人謹護守神雷鬼電或取
將

挽林夫人 方字若母

奉使年三十聲名滿四夷奇哉何物姬生此丈夫兒墓竟同孫
窆家猶有婦持向來稱壽地忍聽鼓琴悲

挽葉夫人 丞相女孫
字若內子

年與藁砧齊來嬪自始筭典刑丞相子禮法大夫妻怪鵬驚頻
集誰寫忍隻棲傷心衾含等猶是嫁時賣

題洪使君詩卷 陳師復為序

刻於芹泮士爭披傳到茅廬我切窺突過常郎森戟句高如柳
暉采蘋詩日惟坐嘯重沉水間亦搖毫品荔支况有太丘為小
序遙知流布滿京師

閔全驟雨圖

四山昏々如潑墨行人對面不相覩
淒乎太陰布肅殺闇然混沌未開闢
千丈擎空勢龍起一聲破柱春雷疾
我疑人間瓠子決或是天上銀河溢
異哉煙霏變態中山川墟市明歷々
茅寮竹寺互掩映踈春殘磬渺愁寂
叟提魚出寒裂面童叱牛歸泥沒
膝羊腸峻坂去天尺馱飢僕瘦行安
適林僧卸笠窘迴步海商拋矧憂形
色縱覽鷗鵬信竒偉戲看鳧雁亦蕭
瑟乃知畫妙與天通模寫萬殊由寸
筆大而海嶽既盡包細如針粟皆可
識向來閔生何似人想見丘壑橫胸
臆嗚呼使移此手為文章豈不擅場
稱巨擘

哭左次魏二首 暮

少日一編書中天丈二爻乃知杜預智誰謂耿山愚
小試飛箴策方為進築圖到頭麟閣上終不着臞襦

甫痛何卽天立明亦復然因思題墓上不若闔樽前
劔馬誰為得琴書有女傳惟應千載下配食雪堂僊

君與何立可皆淮安同幕相繼歿于齊安

寄永嘉王侍郎

珍重西清老書來訪薜蘿為邦應好在作佛竟如何
花押常衙少柑香靜坐多聞公鬢尚黑未害小婆娑

秋熱憶舊游二首

憶昔浮江更涉淮早秋天氣最佳哉塞垣榆落蟬初少澤國蘆

疎雁已來風露入懷詩筆健關山滿目笛聲哀南州九月猶締
絡縱有清樽底處開
塞上秋光冷似冰當年豪舉氣憑陵打球不用炎方馬按獵初
調異國鷹山塞淒涼聞戍鼓水村搖落見漁燈而今病暍茅簷
底追記猶堪洗鬱蒸

哭李景溫架閣大有

挾策說荊州那知亦闍投漫招溫處士幾殺杜叅謀出幕有清
議還鄉空白頭人間容不得下與阿翁遊

建炎丞相
其祖也

送鄭端州起沃

想入漳潮境牙旗夾路紅帝方憂瘴俗君可惠清風海有沉珠

戶岩無硯工他年循吏傳要雜古人中

送方子約赴衢教符

博士非如吏巍然道自居諸生趨避席太守揖升車朱筆濃批
卷青燈細勘書漢庭重文藻行矣召嚴徐

李園有懷字若

曾與山公醉不歸李園水竹尚依稀鈿車疾取春鶯唱鉄笛潛
驚宿鳥飛昔把蟹螯同酒棧今持馬策叩城扉溪頭一片無情
月偏照愁人淚滿衣

送方阜高赴衡州法掾

仕不論高下絲毫要及民君其守三尺古有活千人嶽樹侵雲

抄江籬滿水濱楚方飢可薦切莫歎清貧

答教茂才器之猶子

太傅品胡兒樊川譽阿宜既為諸父賞焉用外人知曉月家山
夢秋風客舍詩桐城逢汝伯一為說相思

失猫

飼養年深性已馴攀牆上樹可曾嗔擊鮮偶羨鄰翁富食淡因
嫌舊主貪蛙跳堦庭殊得意鼠行几案若無人籬間薄荷堪謀
醉何必區區慕細鱗

送張應斗還番陽

蕉荔漫山霧雨繁虬鬚客子悔南轅久留閩國誰堪語却憶番

君可與言豪傑維窮留氣在聖賢不死有書存歸時洗換征衣
了棟過深山緊閉門

為圃二首

屋邊廢地稍平治装点風光要自怡愛敬古梅如宿士護持新
筍似嬰兒花窠易買姑添價亭子難營且築基老矣四科無入
處旋鋤小圃學樊遲

衰病歸來占把茅譬如僧葺退居寮因存橘樹斜通徑怕礙荷
花小著橋古有功名興釣築今無物色到漁樵可憐歲晚閑雙
手種罷蕪菁擷菊苗

送黃舒文赴欽教壁

博士文中虎垂髫已定交雅宜對紅藥胡乃涉黃茅薄有先生
飯全無弟子嘲猶勝迂濶者荷鍾墾荒郊

挽表侍郎二首

華髮始遭逢其如道不同可曾留孟叟俄已罷申公諫草多傳
出經疑盡解通豈無南董氏奮筆記孤忠
遺誥兼新訃同時至華門龍髯先帝遠鮑背幾公存方恨三旌
晚俄驚一鑑昏潛然閔世道不是哭私恩

教器之完子落成

臞翁卜築向東臯卜憇江湖半世勞遠屋樹陰供杖屨登樓小
色發詩騷客來賀厦杯行濶市寫拋梁紙價高白虎漸臺何處

在不如茅舍尚堅牢

答陳珍

寂上小遊從斯人未易逢清貧今仲子踈雋小元龍君謹題詩
筆吾當避箭鋒勉旃鳴盛世切勿效寒蛩

挽表叔趙君任安撫二首 綸 忠簡孫

丞相規恢策家庭已習聞寧論乘一障真可帥中軍玉塵無能
對金錢有即分心知伏波病多半為忠勤
叔在兵間日書常笑我孱初云機會易脫歎事功難寂寞即官
省荒涼上將壇遙憐會稽寔新種短松寒

池上榴花一本盛開

炎州氣岸異十月榴始華是誰初植此石罅抽根斜綠陰蔽朝
曦朱艷奪暮霞始猶一二枝俄已千百葩染人不能就畫史無
以加洛陽拉牡丹久矣埋胡沙蜀州誇海棠邈然隔夔巴安知
籬壁間亦有尤物耶坐令農圃空化為金張家詩人好模擬凍
蕊并寒槎斯篇倘今見毋乃譏吾奢

蘇李泣別圖

方字若故物
近為人取去

風雲慘悽草樹枯死笳鳴馬嘶弦驚鶻起熟看景色非人間初
連山下想如此持尊酒別故人此生再面真無因胡兒漢兒俱
動色路傍觀者為悲辛歸來暗洒茂陵淚子孟少叙方用事句
頭屬國冷如水空使穹廬歎忠義茫茫事往賴畫存每愁歲久

繡素昏即今畫亦落人手古意淒涼誰復論

芙蓉二絕

湖上秋風起擢歌萬枝映柳更衣荷老來不作繁華夢一樹池
邊已覺多

池上秋開一兩叢未妨冷淡伴詩翁而今縱有看花意不愛深
紅愛淺紅

鄒莆田見傳堊書 應博

令君葬說其傳遠一字真堪值一繡惜似辯材歲契帖愛如房
相筆楞嚴畧疏脫誤煩重校盡扣精微恐不廉欲卜寢丘何處
是憑高試為指東崦

挽鄭參議浦

同榜飛騰盡君初拜小侯地寒推易去天遠借難留新隴家山
畔生祠嶺海頭歷官如杜老白首止參謀

同鄭君瑞出瀨溪即事十首

方孚若
新阡

汗血名駒白玉鞭本初父子喜華鮮只今無復狂游侶自卸馱
鞍古店前

伎有香分客有魚主君頭白總因渠枯楊此日悲風起寂寞無
人哭墓廬

元凱平生以智推今看往事一何癡山頭螭首猶蕪沒那有人
看水底碑

昔結精廬在半崖苔扉無主闔還開近聞有主為看守應是防
閑俗子來

豪士寧淪鬼趣中曼卿昔去管芙蓉君今定作梅花主來往山
間儻一逢

蘂裡而掩古無譏何必封崇揭禍機到得珠襦金椀出始知羸
塋不為非

古於生死驗交情何況臺款沿漸平不是劉君同鄭老苔深草
合斷人行

鉄馬防秋記昔曾晚途消宿似寒蠅同時校尉俱封拜誰伴將
軍獵灞陵

北耗而今杳不知路傍羽檄走無時自憐滿鏡星鬢髮羞見官
中募士旗
老奴昔逐我西東絕似猿孫踈絕峯今日道傍扶一拐汝公安
得不龍鍾

教茂才論詩

詩道不勝玄難於問性天莫求鄰媪誦始付後儒箋至質翻如
俚尤癯始似仙吾非肝肺異先得子同然

鎖諫圖

儻言直觸大單于賴有閹氏上諫書若把漢唐宮苑比玉環飛
燕總輸渠

哭劉連江世鈞

晚唐才調晉風期一片胸襟頗涉竒每過隣家因貰酒偶添別
墅為羸碁議郎秩淺無超拜令尹官清有去思種得花成身不
見江邊父老主今悲

明皇按樂圖

鶯啼花開春景遲掖庭無事方遨嬉廣平策免曲江去十郎談
笑居台司屏間無逸不復覩教難能聞馬能舞戲呼寧竒吹玉
笛值喚花奴打羯鼓南街群臣朝玉躑老伶巨璫前後趨阿瞞
牢醒倚玉座袖有曲譜無諫書金盆皇孫真龍種浴罷六宮競
圍擁惜哉傍有錦綉兒蹴破咸秦跳河隴古來治亂本無常東

封未了西幸忙輦邊貴人亦何罪禍胎似在偃月堂今人不識
前朝事但見斷縑粧束異豈知當日亂離人說着開元總垂淚
哭李公晦二首 沒于辰州
不會蒼天意令君死五谿少曾留洛下晚乃相膠西白首尊師
說丹心對御題悲乎成底事路遠客魂迷
洲邊三畝宅有竹有梅花堂不堪名世如何勿起家身終着朱
綬州謾出丹砂渺重湖外悲風咽暮笳

送鄒莆田

日：焚香出天知令尹心祖符環境少花判入人深發路惟詩
卷獄家六俸金極為鄉井惜不是愴分襟

即事四首

買得荒郊五畝餘旋營花木置琴書柳能樊圃猶須種蘭縱當
門亦不鋤無力改墻姑覆草多方存井要澆蔬區區才志聊如
此誰謂先生廣且疎
目為詩客不勝慚喚作園翁定自堪抱甕荷鋤非鄙事栽花移
竹似清談野人只識芹萋萋相國安知食笋甘富鄭公事晚覺齊民

書最要惜無幽士肯同春

墻角新開白版扉時尋樵牧弄烟霏代耕豈若收躬稼賜帛何
如出自机湖海浪遊今已倦山林獨徃來全非百年只願身強
健長為慈親負米歸

待鑿新池引一灣更規高阜敞三間縮牆恐犯鄰家地減楸圍
看屋後山身隱免貽千載笑書成猶要十年閑門前鶯有相尋
者但說翁今怕往還

梅花五首

髣髴瑤姬擁仗來茆簷化作玉樓臺平明繞砌圓殘夢元是梅
花數樹開
慘地紛紛着樹稀歲華搖落慘將歸世間尤物難調護寒怕開
遲暖怕飛
籬邊屋角立多時試為騷人拾棄移不信西湖高士死梅花寂
寞便無詩

肯因冷淡怨年芳霜滿寒林月滿塘至白世間惟玉雪不如伊
處為無香

夜來幾陣隔窻風便恐明朝已掃空点在青苔真可惜不如吹
入酒杯中

送邢仙遊興祖

彼美邢侯者逢人滿口誇有恩沾小戶無勢撓公家拔盡民間
莖栽添境內花吾詩采清論一字不曾加

夜登甘露山二首

小家三兩戶荒巖萬千重有月犬時吠無人泉自春
月落宿禽起幽人殊未迴不知何處磬迢遞過山來

書事二首

竭海夷山氣力雄只愁無術駐顏紅却須摩劃千餘歲多買丹

砂置女僮

章子厚云人生豈不能摩劃得二三百歲

因治陶朱術太精世間無物足經營更將郭璞書頻看只恐青

山盡鑿平

後村居士詩卷第七

後村居士詩卷第八

詩

送權郡詹通判

鎮靜一如無頌條甫月餘來惟居傳舍去不識兵厨健判風生
筆精祈雨灑車夫夫何必假行已兩輪朱

再題鍾賢良詠歸堂

伏羲以來凡幾年六經之外凡幾書人間簡冊渺烟海君以約
法包無餘往年華轂臨敝廬舌端霆卷俄電舒平欺賈董等下
駟冷笑伏鄭真蠹魚千詢萬叩答如響捫腹始媿吾空虚伯高
辟易季度走六論三策何時攄又言諸子皆丈夫經筵府庫隨

所須觀君毛骨老猶爾惜也未見雛與駒方今主相求極諫君
曷不携軾轍俱自云素鄙從橫學尚友洙泗談古初堂日冕輅
豈不好却慕点也寧非迂行當端委秉周禮未可春服從魯儒

送洪使君

雖擁朱轡貴清臚兩髻霜判花人競誦詩草士深歲農飽因蠲
賦州貧為救荒公歸無媿面應可見嚴光

送陳魯叟使君赴廣西漕

闔郡留無計每奪父師使君三月政遺老百年思遠宦生華
髮輕裝載舊碑海山應有恨未得謝公詩

韓杜曾遊處君行得細尋那知瘴海裏忽有福星臨竭海求珠

蚌搜山採翠禽定將冰與藥一洗濁夫心

黃九萬見訪

避暑推高卧柴門閉不通子來佩明月予起濯清風有豎猶當
贈無城可得攻靈舒如見問今作灌園翁

別宋斌文叔

天下書無數君尚治四書因留精舍久遂向舉場疎小路挑包
去秋風罷講餘故園荒草合似欠一耜鋤

熊主簿示梅花十絕至梅花已過因觀海棠輒次其韻

萬蕊千葩染似紅停盃無語恨東風薄寒且為花愁惱何況開

時值雨中

紅點霏 似撒沙荒園幻作五侯家自憐改盡青 鬢無力
花且看花

幾樹繁紅映碧灣 苧蘿山下見芳顏 分明消得黃金屋却墮荒
谿野徑間

顛風猛雨阻追攀 欲問春留數日間 過眼紅雲成白雪到晴祇
恐沒花看

梅太酸寒蘭太清 海棠方可入丹青 趙昌骨朽徐熙死誰寫春
風上錦屏

特以穠鮮壓衆芳 痴人痴殺恨無香 問渠嫵媚房櫳裏何似莊
嚴几研傍

共倒殘尊過日西 重來花事想參差 建陽主簿今才子焉可無
詩補杜詩

歸騎何須抵死催 且拈落蕊藉蒼苔 平生酷喜坡長句筆力今
誰可奪胎

暮雨廉纖似入梅 一春花月欠攀陪 草生後圃深三尺也道身
為縣令來

海棠洞下醉忘歸 歲月如馳不可追 想得千株今合抱此生未
卜再遊時

再和十首

色深下擣守宮紅 片細俄隨映蝶風 到得離披無意緒精神全

在半開中

薔薇難比况金沙一種風標富貴家
我有公評君記取惜花須惜海棠花

千株絳雪照蒼灣應笑劉郎帶老顏
尚有少年情味在戲搜綺語續花間

鳳州宮柳昔曾攀亦醉瓊花芍藥間
獨有海棠心未足每逢多處必來看

別園水竹絕幽清花徑繁紅蘚砌青
何處貴游閒步障誰家生色盡深屏

徙倚溪亭惜墜芳恨無異域返魂香
殘枝併恐風吹去插在金

瓶置座傍

忽憶聯鞍過水西重尋前約未參差
祇愁人識風流罪屢出看花數賦詩

淡賞無煩羯鼓催解鞍便可坐莓苔
莫將花與楊妃比能與三郎作禍胎

旋挑野菜拾青梅又向花邊得暫陪
各選一枝簪白髮明年知與阿誰來

君憶東湖不久歸我思陳迹恍難追
殷勤為報鶯花說止有詩情似舊時

水心先生為趙振文作馬塋歌次韻

洛陽牡丹隔萬里，棘荒姚魏扶不起。馬塋近在杭州陌，野人只
向詩中識。勻朱傅粉初窺牆，海棠為屋辛美房。千林春色已呈
露，一株國艷猶閔歲。多情荀令香透袖，俊遊恐落都人後。揉鞭
深入紅雲鄉，解衣旋貰黃滕酒。淮南芍藥初過兵，人生何必塞
上行。陸祠妾壤各有命，肯學凍士鳴不平。移家欲傍園翁住，手
開蕪地通蘋渚。尋芳相、趁蝶飛逐臭紛、憐地聚君不見玄
都吟筆妙，燕許諸人却遣世人怒。君若挈舟獨往時，我亦荷鋤
相隨去。

贈高九萬并寄孫季蕃二首

諸人凋落盡高叟，亦中年行世有千首。買山無一錢，紫髯長拂

地白眼冷看天，古道微如綫。吾儕各勉旃。

菊圃說花翁，飄蓬向浙中。無書上皇帝，有句惱天公。世事年々

異，詩人個々窮。築臺併下榻，今豈乏英雄。

題何秀才詩禪方丈

景建談之子，詩禪丈室寬。能將鉛槧事，止作葛藤看。壞衲蒙頭
易立機，得髓難何因。清夜話分我，一蒲團。

挽邵武洪倅

不識監州面，聞名似舊知。空餘商榷恨，竟失合并時。昔作大蘇
客，今觀小謝詩。西風丹旆過，一為士林悲。

挽夔漕王中甫二首

羽書堆裏挾遺編，往古來今盡燦然。
白髮晚持川口節，丹旌暑下峽門船。
生前多半遊榆塞，身後終方領木天。
老去一雙懷舊淚，誰知滴向建溪邊。

半瓢丹藥老邛枝，萬里西來撫事悲。
綬著歲中公事定，劔鳴匣內我年衰。
可憐檄筆今零落，尚記綸中有指麾。
身在滄州搔白首，斷腸吟就八哀詩。

挽葉潛仲運幹知剛二首

雖出自貂蟬，清貧雪滿顛。
若無槐簡後，一似布衣然。
讀久遺編絕，歲深拱璧全。
悲乎如此士，不貴又無年。

俱入平蛮幙，同登出嶺州。
交情傾蓋盡，世事闔棺休。
客致生芻

去家惟斷藁，留遣知風雨。
夜愁絕老參謀。

送熊主簿

邑事多商確，惟詩未暇論。
毋慈催扇枕，父老謾攀轅。
新戍謀何地，初程宿某村。
西風有來雁，書札倘相存。

送徐夏叔

昔與長君親，今方識少君。
極知皆造理，何止並能文。
讀罷湘中雪，吟開嶽頂雲。
老余才思竭，搔首念離群。

和答北山

北山當代文章祖，孔思周情幸未泯。
弟子力疲心尚在，先生齒宿意逾新。
今無斲鼻成風手，古有埋腰立雪人。
不向詩門勒笥

首一生懷抱對誰伸

挽樓陽叔二首

白首臨凋瘵，齏鹽似舊時。僅持一麾止，安用五車為。庫有留州
賦家無葬地，資空餘清儉。字長使郡人思。

平生所歷最崎嶇，不覺周南歲月深。拙宦元無金潤屋，悼亡新
有雪盈簪。淒々德曜齊眉案，草々黔婁覆首衾。曾忝郡民漸教
化，眼交雙旆一沾襟。

勞農二首

江浙膏腴動渺然，惟閩硯薄少平川。可憐老子扶凋邑，絕似吾
民墾瘠田。稍喜一犁翻宿雨，聊為三爵禮高年。太平主相調元

氣春在桑畦，麥攏邊。

畫簷一夜雨，飄蕭際曉陰。霾掃碧霄有，日暫看旗脚。展無風初
覺鼓聲調，紛々竭作趨南畝。稍々新粧出北橋，白髮長官塵土
殺尚能覓句補風謠。

答惠州曾使君韻二首

瀟灑使君風度峻，神仙謫墮在人間。只今坐嘯凝香處，帝賜羅
浮作鎮山。

先賢平易以觀詩，不曉尖新與崛奇。若似後儒穿鑿說，古人字
字總堪疑。

送恭議滕告院挂冠

由來恬退士史冊亦稀疎唐有楊少尹漢惟疏大夫翁能辭祿
去我欲教青書今世無名筆誰為寫作圖

挽建昌詹使君二首 又民

南渡釣樞後宣和節義門依然寡人子不似貴公孫苦李無誰
採甘棠在處存遙知宦遊地巷哭更招魂
稍喜佩銅魚遭迴四紀餘早無人料理晚有鬼椰榆把酒言猶
在凝香夢竟虛斯人止如此恐坐太清臞

和葉尚書解印二首

郡人不識疾呼聲甘雨和風徧一城歲久偏多遺愛事天高未
察借留情舟行精舍漁歌晚家近華亭鶴唳清莫比歸雲併倦

翼先生此念素來輕

倦入承明聽履聲未輻今復厭專城盪胸太華供吟興照眼伊
川洗宦情尊罍何慚高士決琴龜不減昔賢清未應便葺東山
墅出處方閑世重輕

送葉尚書奉祠二首

先生清夢繞林泉黃紙除書拜地仙報答吾君吾相了徜徉某
水某丘邊事光白傳求閑後街似溫公約史年
溫公領崇福
祠十五年

向故山猿鶴說古來晚節幾人全

身於七邑最孤寒每辱黃堂刮眼看乍可郡無九年蓄要令民
受一分寬公閑去伴種司諫我懶思尋請長官曾出龍門稱弟

子感知惟有寸心丹

挽盧母黃太孺

少逸之妻

太孺賢聲衆論推府君經學里人師牛衣隱約能偕老螢火凄

涼自課兒疇昔黃齋曾百甕只今丹桂已雙枝嗚呼盧母哀榮

甚何為人題墓上碑

寄熊主簿

一出懸知計已非更堪留滯未成歸即今白首負松菊何處青

山無巖薇不恨老從中歲至但悲事與素心違當齋寂寞生青

草几度臨風憶杜微

簿廳有當空取會計當之義朱文公書扁

寄徐夏叔

曾識徐卿二子奇秋來往上夢瓊枝明時莫作沉湘賦暇日應

題望嶽詩主愛客卿寧忍舍兄嗟予季若為思湖南歲晚多迴

雁頻寄書歸悞別離

贈趙整立之

世醫多益浪趙子獨專精術穩常無誤能高素有名方書真爛

熟裘馬極鮮明自笑貧兼病將何贈宋清

與北山陳龍圖

小兒膽大說文章螢火難爭兩曜光侍講先生今寂上龍圖老

子尚堂上鄰無羊仲并求仲家有元方與季方想見瘦梅疎竹

下深衣如雪鬢鬢蒼

答陳龍圖

者舊凋零盡吾猶及太丘豈云清易挹自是廣難周尚綱煩翁
教書紳到老休何由陪几杖共看海山秋

和趙吉州三首

學者當窮理工詩豈美名不能禪來訪徒自取訛評責已希常
孟休官慕尚平如今成病鶴垂首噤無聲
憔悴東陽令區區謾自疲斷無問牛智寧受放魚欺儉陋交游
笑低平父老知向來子元子髣髴是吾師

今代廣陵牧蒼生屬意深胸中絲補衮肘後藥成金僕自操齊
琴公宜和舜琴籌燈精舍裏何日共論心

挽傅諫議三首

昔事先皇帝堂上立玉墀進懷伏蒲疏退誦考槃詩哀郢遺言
切憂周素髮垂他年耆舊傳此筆屬諸誰
今上龍飛始先生驛召頻頗聞曾草疏終不就蒲輪勘破邯鄲
夢抽回洛杜身也今千載下知世有全人
憶昔南山寺微言叩未終晚猶溫薦語病尚寄書筒駿廐誰收
我墓陵合殉公春風溪上淚還與海潮東

寄二徐

珍重渠家大小君分明二陸是前身遙知洛下傾城看錦樣文
章玉樣人

答劉通判元崇

不見龍驤與驥馳，紛如蟲篆闌蛛絲。君侯傑出南方者，老僕終當北面之。憶玉樹枝勞遠夢，薰蕕薔薇水讀來。詩自慚眼力非，閑令紫氣浮空惜。不知

以王家酒寄陳北山得二絕句，謂酒味不如舊日之勁峭。

先生詩酒令俱嚴，一掃哇蕢與市帘。戶大才高今吏部，故應笑少更嫌甜。

醇醪易入醉人鄉，勁酒難逢醒者嘗。玉姬區區真小點，隨時增損甕中方。

和北山一首

幅巾高蹈挹洪崖，閑洒銀鈎著玉杯。文律不論先漢後，詩源遠自國風來。却愁小子方攻冉，未必吾師肯鑄回。極欲去修床下拜，扁舟歸夢繞南臺。

送建安鄭尉

路人能說尉，一似建溪清。寸錦不携去，束書相伴行。無心干舉將，有面見賢兄。應笑東陽令，淹留白髮生。

答范叔範

濶矣別離久，颯焉顏髮蒼。殷勤大范子，問訊老劉郎。渴睡添新懶，清談減昔狂。今無望氣者，寶劍且深藏。

送楊休文

寂寞鰥翁掄縣齋吏傳刺字睡驚迴自從黃鶴仙人去誰遣青
牛道士來適夢羽衣良有驗共吟石鼎愧無才殷勤問訊西山
老何日山中伴訪梅

答羅天驥

乃祖曾吞鳳卽君豈後身頗聞精選理何必慕唐人玉塵王夷甫
烏絲呂洞賓客談溪墅勝終擬卜比鄰

太守林太博贈瑞香花

一樹娑娑整復斜使君輟贈到田家自慚甕牖繩樞子不稱香
囊錦傘花小借暖風為破蕊旋洗新水待抽芽叮嚀童子勸封

植留與甘棠一樣誇

再和

壞徑泥深古檻斜居然幻作貴游家小亭自課僮鋤草空室俄
驚女散花便覺麝囊無遠韻頻挑蟻蠹有新芽紫微紅藥催公
去獨許詩苗野老誇

三和

吏散庭空戟影斜吟牋飛到野人家隋珠和璧難酬價禪榻茶
甌忒負花譜欠名人為品藻詩因尤物始萌芽近公匹似熏班
馬荀令風流未足誇

四和

吟諷攀翻到月斜，衆驚竒寶聚貧家。高才盡視宮中草，退士聊看屋角花。未必園丁諳樹性，更愁墨客笑薑芽。西堂金鼎熏蘭麝，豈有天然韻可誇。

五和

幾點朝來小雨斜，未應造物妬山家。陡驚春報千林信，擬問天留教日花。寫物祇今須老筆，染根何處有靈芽。彩雲過眼真如夢，著意追摹豈好誇。

六和

搢筆蕪詞字半斜，情知見咲大方家。放教吉甫獨哦句，除却微之誰別花。句引親朋需果核，提防風日損根芽。玉津應制須公

等林下，樵歌敢自誇。

七和

短牋小草墨痕斜，句法來從和靖家。吟賞豈無神助筆，護持疑有物司花。莫因山鳥啼榕樹，便憶河豚飽荻芽。多少邦人沾賸馥，願碑遺愛永傳誇。

和趙南塘荔支五絕

側生海畔遠難將，風日尤能變色漿。借問驛馳丞相府，何如輦致道士堂。

却負無因送上天，漫山如錦但堪憐。羅浮所產真奴隸，只為曾

逢玉局仙。

十顆千錢品最珍
北人鮑背未濡脣
若生京洛豪華土
買斷丹林肯筭緡

鄒玉盛時
類值百錢

輦轂嘗新着價高
土人棄擲梗并髦
不嗔園客工偷竊
絕喜天公享老饕

風韻能令百果低
難將盧橘閩新奇
品題自合還詩祖
模寫何須覓畫師

築城行

萬夫喧上不停杵
丁丁聲后土徧村閭
田起窰灶望青砍
木作樓櫓天寒日短工役急
白棒訶責如風雨
漢家丞相方憂邊
築城功高除美官
舊時廣野無城處
而今烽火列屯戍
君不

見高城齧如魚鱗
城中蕭疎空無人

開壕行

前人築城官已高
後人下車來開壕
畫圖先至中書省
諸公聚看稱賢勞
壕深數丈周千里
役兵大半化為鬼
傳聞又起旁縣夫
鑿救四面皆成水
何時此地不為邊
使我地脉重相連

運糧行

極邊官軍守戰場
次邊丁壯俱運糧
縣符旁午催調發
大車小車聲軋軋
霜寒晷短路又滑
擔夫肩穿牛蹏脫
嗚呼漢軍何日屯渭濱
營中子弟皆耕人

苦寒行

十月邊頭風色惡官軍身上衣裘薄押衣勒使來不來夜長甲
冷睡難著長安城中多熱官朱門日高未啟閤重工幃箔施屏
山中酒不知屏外寒

國殤行

官軍半夜血戰來平明軍中收遺骸理時先剝身上甲標成叢
塚高崔嵬姓名虛掛陣亡籍家寒無俸孤無澤嗚呼諸將官日
穹豈知萬鬼號陰風

軍中樂

行營面上設刁斗帳門深上萬人守將軍貴重不據鞍夜上發
兵防隘口自言虜畏不敢犯射麋捕鹿來行酒更闌酒醒山月

落綵繡百段支女樂誰知營中血戰人無錢得合金鎗藥

寄衣曲

征夫去時着紵葛征夫未回天雨雪夜呵刀尺製寒衣見小却
倩人封題上有淚痕不教洗征夫見時認針指殷勤着向邊城
裏莫遣寒風吹膝理江南江北一水間古人萬里戍玉關

大梁老人行

大梁宮中設瓊屋大梁少年胡結束少年嘻笑老人悲尚記二
帝蒙塵時嗚呼國君之仇通百世無人按劍決大義何當偏師
縛頡利一駟馱載送都市

朝陵行

國家諸陵陷河北盜發寶衣斧林木或言陵下往來人夜聞翁
仲草間哭何年却道朝陵官含桃璀璨登金架悲哉人家墳塚
各有主誰修永昌一抔土

破陣曲

黃旗一片邊頭迴兩河百郡送款來至尊御殿受捷奏六軍張
凱聲如雷元戎劍履雲臺上麾下偏裨皆將相腐儒筆力尚跌
宕燕上之銘高十丈


村居書事四首

有客相逢說坎離葫蘆中藥不容窺扣頭無力營丹灶聊奉先
生一醉資

新剌闍黎頂尚青滿村看說法華經安知世有弥天釋萬衲如
雲座下聽

卜叟囊書繫肘邊兒童尊信等神仙立談算盡平生事問到封
侯拜相年

刮膜神方直萬金國醫曾費一生心可憐髻髻提籃者也有盲
人問点鍼



入册云
...

...

...

...

...

...

